

Havan an min nõ hək ngam Mā Yēsū Kristū nõ ing panam. Sā ngam kinlėngō Ō hē Ō nõ ing panam nēt kōiny samheūheu rō-angen (Jn.14:1-3). Sitih kanō-en mikahlōn ōi min tō Ō nõ kō-en nõ havan nõ hək? Vē-ekūō nup inhanga (Tō vēnyu) rahōnyō ngam Mā Yēsū inlahngen min ip manā-añ rētak. Lōkten afitōre harēmngēre, vē-ekūō nē tōhet lipōre ngaich hatiōnkō nē tō rōnghōichren inlahngen ing panam, tō u nõ hameuktō kanō-en yanihi ngam Mā Yēsū min nõ havan nõ hək.

**1 TINRÖLNGÖ NGAM TÖHET CHÜÖK**  
Hē Yēsū nõ kunyī-iny re nõ rā-ang el ök tōhet chüök hēng tak ök hakōptō Ō yamihtōre nõ in Ō, ngaich hameukhōmat Ō tō inlahen vinilō ngam tōhet chüök. Ngaich ngō rō; Mahakōphōti tō sitih vanāyō ōn nē ihong, sitih vini-i ōn inrē; ngaich Yēsū nõ ngō rō tō cha meuk nē ōi tōkirōng patī tōvilōngō? Ōt hēngtit min ihong ihih tōkōpsōren nõ hachaphen hōō tōt suktuvō (Mt.24:3; Mk.13:1-2; Lk.21:5-6). **Teungten ōn ngih tō vēnyu ik AD.70.**

**2 MINKAHNGÖ NGAM YANIHI**  
I saha Ō nõ ūichhaka nõ i kui rōngō Ōliv, kū-ō ik tōhet chüök, yihtōre hək Pitōr, yākōp, Yōhān tō Antarū inrē; ngaich hatōōnō Ō nõ ulaikōre. Ihē ōn min anū-ō? Asuh nup min minkahngō yanihi meh ip manā-añ rētak, ōp hē u inrē nõ teungtakūō? (Mt.24:3; Mk.13:3-4; Lk.21:7).

**3 YANIHI NGAM MAHACHİL**  
Ngō rō Yēsū nõ saprō cha; harēmngen re yin hōn yīō ōt halō-oikūō tō tarik. Marōngō yip min yamih nõ i minē-eny chu nõ ngō rō; chu-ō chin Kristū, ngaich marōngō halō-ongkūō min. Lōkten ui lōmngō in cha.

**4 KINYÜNGÖ HĒK TÖ EÜKA KINYÜNGÖ**  
Yēk yīō minō hang kinyüngō hək tō eüka kinyüngō inrē, ui pahē-ekūō, tōn tōhōn ngati nun anu-ō, ōl pōri ōp manāngen (Mt.24:6; Mk.13:7; Lk.29:9).

**5 KINYÜNGÖ PÜLNGÖ | KUMYEÜNÖ | INYÄICHÖ | INVAH**  
Ngaich ngō rō Anga-añ tō cha; tō nē pumnāmō tarik min nõ lā-al hōō; minē pülngō min inrē nõ lā-al hōō; rōlkang chüök min kumyeünō, inyäichō, invah inrē; ngaich pōyen min nup pihē-enkūō tō meükō, tōkirōng minkahngō lamōktō el haliōngō (Mt.24:7; Mk.13:8; Lk.21:10-11).

**6 RÖKHÖRE NUN MIN NĒ NÖ RANEHTÖKÜÖ KANIHNEN** (Mt.24:8; Mk.13:8).

**7 INKIHTEN NGÒH KRISTIÖN**  
Hinōre yin antōre urēhē küō nē rētake tōn hōn rāklō kēre yip min nõ hakihten yīō, kēkten yīō i küō kamhōnka, fēlō yin min, kalonghōtvō el kinlōngō, hakihturen, kumpaha inrē. Kētu yin min i yip rācha, mahayōng inrē tōkūō ngam minē-eny chu. Vitōre pōri min angu-ō nõ rētak inmeuktō rināktō ellōn meh (Mt.24:9; Mk.13:9; Lk.21:12-13).

**8** Ngaich yēk cha nõ kēkten yīō im kinrōka ui mufē-ēvō, ui pirütō rōre urēh, ōp tōng rō yīō pōri, tōn rō-ō yin yī-ō tō rō-ōvō pōn ngam tōhet fanōinylō. Tōn kētō elvāng yīō chin min mikah inrē nup tōt huneū-eu rō yip lā-al yīō (Mk.13:11; Lk.21:14-15).

**9 INCHİLÖ IM MIKÜÖNÖ**  
Ngaich pōyen min linā-añl küō, hachilngövah hōō min tō mēm re, im kinpaha, kēngō ngam küōnre ngam yōng, hol, tō hol maneuk inrē. Ngaich choholre min küōn nõ lā-al yōngre ngaich kēten cha min nõ im kinpaha. Kunyahānvō man min tō küō ngam minē-eny chu. Hō-ō pōri min nõ hēng hang mikōōichō tō sukgōre keüiyō meh. Im manōōiyō pōri mē-en im ma-alaha.

**10 UFOVNGÖRE AN NGAM HANÄNGENLÖN**  
Ngaich küō ōtlanōökō hək minäichren nõ pōyen, ngam hanāngenlōn nõ küōnngōre. Anga-añ pōri ngòh tōmōi nõ sōl manā-añ hayōökaren min.

**11** Yēk ngih inhangkō ngam pülngō ngam Tēv min nõ keuheütngōre chüök nõ ahangka nõ i nē tarōkhōre panam, vēnyu ngam kanō-en inrē ngaich möl min ngam manāngen nõ yih.

**12 KANIHNEN HĒ PIN-YÄINGÖ YERUSELEM**  
Hē yīō pōri meükō Yeruselem nõ havilōngō tō kumyung, akahalōn yī-ō tō pin-yaingō e nõ röhta (Lk.21:20). Lōkten yēk yīō meuk nē kanihngen rahōnyō ök profēt Taniēl (Ngòh vamē-ekūō ngih tō küichō hōkngen ò nõ akaha elnang) ngaich hōkngen yip mi-iyōng Yūta nõ falngōre nõ chuh kui rōngō, yip tō rōnghōich rōon inrē. Uh yip an tavat inrē nõ kuhēthōtre nõ in e. Anga-añ ngòh mi-i kui patī un yōnti nõ kēk nup kuilōn re, ōp mē-el panō-ōn un havan nõ chuh patī nõ kē-ēr chehen re (Mt.24:15-18; Mk.13:14-16; Lk.17:31). Tōteunghu kui yip cha-a tō ōt inkōlō yip pumrūkkō nyiō, hək yip maharuk nyiō in u anu-ō rētak. Vē-elkui re pōri hōn ngam hē fanalngō nõ ōt hē el kumrah hək tōhet sakāmō inrē (Mt.24:19-20; Mk.13:17-18; Lk.21:23). Ngaich cha-a min nõ pō sanēt, kē-ēyō inrē nõ im inkōövō. Ngaich Yeruselem min nõ rōontu kui tō vē tahēng mihēnrō tarik hanōng saha ōp rētake (Lk.21:24).

**13 SAKÄMÖ KANIHNEN YÄKÖP**  
(Jer 30:6-7)  
Yōng kanihngen hək mirivlōn nup min in u anu-ōn sakāmō. Ōt tō ngati-iv hēten tō vinilō ngih panam, hək ōt rēhēn nõ mòkngōrevō tō ngati laninō nõ i kui vē tarik. Ngaich yēk ngam Mā nõ ōt haküōnngō u anu-ōn rētak, ngaich

ōt hēng tak tōt kō-ōngvah. Chōō-ōinytō yip tō katöllōngō pōri tō Ō nõ hacheū-euyō (Mt.24:21-22; Mk.13:19-20; Lk.21:23).

**14 TÖ MINYÖINY-AÑ KRISTÜ HĒK PROFĒT**  
Ngaich yēn tariku tō ngō rō min tō yīō, ngòh ang yih Kristū, hək umu-añ, ui rāktō ellōn re. Tōn pōyen yip min tōminyōiny Kristū hək tōminyōiny profēt, nõ hameuktō nup tō kirōng minkahngō hək pinngangkūō, pō cha nõ hōn halō-ongkūō yip tō katöllōngō. Hangihtōre pōri ngēicha, ngaich chin misatnyōre in yīō tō u (Mt.24:23-24; Mk.13:21-23). Lōkten yēk cha nõ ngō rō; el tōnyalnyi ōp, ui kirōnngōre ngēicha, hək ngō rō; el ōp lā tuhēt ōp urōhō. Ui rāktō ellōn re. Sā ngam hanyānlō nõ yang nõ löktō lā chuhōt nõ el ngam haliōngō; ngati yanāngō angu-ō nõ lā sūng, ngati yanihi min ngòh kuōn Tarik (Mt.24:26-27; Lk.17:23-24).

**15 MINKAHNGÖ EL HALIÖNGÖ**  
Unōichrit ngam kanihngen in u anu-ō sakāmō ilōōren min nõ hameuktu nup minkahngō; sangulkōti mat min ngam tavūōi; ōt yāngō mat min inrē ngam chingēnt, suktōre min minē taneūsōmat nõ rā-ang el haliōngō, kayin inrē ngam haliōngō (Mt.24:29; Mk.13:24-25). Ngaich kanihngen, ōtkumlē-en inrē min nõ i kui ngih panam; tō küō rōktō mai hək mahūnvō; karōōiya nōmō tarik küō pinhē-ekūō re, hək küō nup maheūnkkōre inrē ip yamih rētak (Lk.21:25-26).

**16 MINKAHNGÖ NGÒH KÜÖN TARIK**  
Ngaich ngam minkahngō ngòh küōn tarik min nõ meükō nõ el haliōngō, ngaich rōkhōre vē añ ngih panam nõ harivōlōn, meuk yanihi ngòh küōn tarik cha-a min nõ löktō el haliōngō,



nö holtö kumlëk re, kanòlò inrë, Ngaich tinngö yip ma-anhanga re min anga-an, nö holtö töpöitö fanöö, ngaich cha-a min nö hamül yip tö katöllöngö tö Ò. Rã-ang i nup tö fën lã-a kumföötö, löktö küö im manã-ang küö ngih panam, manã-angküö ngam haliöngö inrë söl im tahëng (Mt.24:30-31; Mk.13:26-27; Lk.21:27).

**17** Ngaich yëk në nö teungta küö, möklökuöre yi-ö hachohlökui re inrë pò ngam rinaknyö yiö nö röhta (Lk.21:28).

**18** **NGAICH NGÖ RÔ ANGA-AN**  
Haköp ngam inçhò-orò yin im anychir chôn. Yëk ngam pak Ò nö ayal, ngaich siöpnayi rôl anga-an, akahalôn yi-ö ngaich tö ranöhta öp sikehngö, ngati yi-ö inrë yëk yiö meükö u ngaich akahalôn tö ngam pülngö ngam Tëv nö röhta nö i küö inküp (Mt.24:32-33; Mk.13:28-29; Lk.21:29-31). Öt hëngtak pöri tö akahalôn töp sakämö angü-ö rëtak inrë, öt rëhën yip ma-anhanga el haliöngö, öt rëhën ngam küön, ngam Yöng pöri (Mt.24:36; Mk.13:32).

**19** Pòn sã nuk sakämö No-a, ngati min ip yanihi ngòh küön tarik.Sã nuk sakämö urëhëküö ök ranööingö, nyã-anvküö cha-a, ök inrë, hapihö, kē-ëyö inrë nö im inpihö hanöng saha yanöklö No-a nö el ök chöng. Ngaich cha-a nö öt akahalôn tö yanihi ngam ranööingö hanöng saha cha nö keuheütnögore nö rööingö. Ngati an min ip sakämö ngòh küön Tarik (Mt.24:37-39; Lk.17:26-27).

**20** Ngati inrë ik sakämö Lòt, nyã yik, ök yik, havah yik, inyih yik, teüich yik, mänö yik inrë. Hë sakämö chanuhu Lòt pöri nö rãkngö Sôtöm, ngaich tameüyö, kumrah ane inrë töngëk ihong nö löktö el haliöngö ngaich kapaha ti tö cha nö ròkhöre. Ngati an min ip sakämö ngòh küön tarik nö hameuktöre (Lk.17:28-30).

**21** Kööpölön tö ök pihö Lòt ngòh lamukkö taneüngen re tö nômö re, öt teungen tö e min, ngòh töt teungen pöri köpti min anga-an tö e (Lk.17:32-33).

**22** Ngö rô chin tö yiö. Ip hë e angu-ö hatööm, nët tak min nap tarik me-ël chamamre, hëng tak min tö kē-ëyö, ngaich rã-ayö ngam tahëng. Nët tak min nap kikänö tumlön nö holren re, hëng tak min öp tö kē-ëyö ngaich rã-ayö ngam tahëng taka. Nët tak min nap tarik el panô-dön, hëng tak min öp tö kē-ëyö ngaich rã-ayö ngam tahëng taka (Mt.24:40-41; Lk.17:34-36). Ngaich ngö rô cha-a nö saprô Ò Mã isuh? Ngaich ngö rô Anga-an tö cha, i chüök ngam alaha, in e min nup matërö nö hamülöre (Mt.24:28; Lk.17:37).

**23** **ANHATI YIN, VÈ-EKÜÖ TÈV INRÈ**  
Sã rëngen öp tarik an tömarö-ölküö chamuh tavat nö rãkngö patì re. Ngaich tölrö yip mahalanren re nö hayömken e nö kö i nup la-en re. Tölrö öp yöm küö inküp inrë nö anhati. Lökten yin pò anhati tön öt akahalôn yin tö hë yanihi ngam tö patì-iv, yën hë el harap,yën chüölhatööm, hëk yën rô hayöm, hëk yën tö peuheü öp ranötlö yanihi Ò min, ngaich meükö yiö höng haròh (Mk.13:34-36).

**24** Akahalôn yin tö ngih, yëk ngam tö patì-iv nö akahalôn töp rëtak yanihi ngam mü-ulaiya, ngaich anhati anga-an, pòn öt halöngngen ngam patì re nö tiröli.Ngati yi-ö hööngöre tön öt akahalôn yin tö hë yanihi ngòh küön tarik (Mt.24:43-44).


**25** Harëmngenge pöri yi-ö, hôn nup ellön yiö nö öt lumngantu tö sinrakngen hinyöyö, ane inrë finëken ngih nômö. Ngaich ilöören anü-ö nö in yiö nö sã inçhilö öt akahturen. Anhati pöri yi-ö, vë-eküötëv inrë. Tön öt akahalôn yin töp rëtak. Hôn yiö öt hapölnögore ip hë yanihi u, öi sã yip mi-i küö në taròkhöre panam (Lk.21:36).

**26** Tön sitih rô öich tö yiö, rô chu in yiö ròkhöre; vë-eküötëv örheüheu inrë im inãhati hôn yiö ötkö-öngvah ip yanihi u; ngaich söklöre i küö ngam küön tarik (Lk.21:36).

**27** Tökö-ò rô chin tö yiö, öl min ngih michaplö nö keuheüt, yëk u nö teungta küö, chuhngöre an min ngam haliöngö, tumlat inrë; öt chanuhuvren pöri në rô chu (Mt.24:34-35; Mk.13:30-31; Lk.21:32-33).

Üichngöre el kantëra ngam kanòlò, ngam tö Minã-anvö Rãcha - Mã Yesü Kristü havan min nö hëk nö hol tö tökiröng kumlëk minhöinyö inrë, nö hol tö yip töhet ma-anhanga yip töhet inrë. Pahë-eküö yin töm Tëv, kē-ë küö Ò tö ineü-euñ, tön yih öp rëtak Ò nö kahôka; vë-eküö Ò, ha-öönyan ngam vami haliöngö, panam inrë, ngam mai nup töhëm mak inrë (Rev 14:7)

**Kiröönhöküö re an ngam rëtak!**  
Hang rô ngih tölöök inhanga. Havöötö ellön re yin, tön röhta yanihi an ngam pülngö ngam Tëv, töhalenkaren tö pö küö yiö.



# TÖLÖÖK INHANGKÖ YANIHI PÜLNGÖ NGAM TÈV

